

An T-Iarla Diurach

Capercaillie

Ma's ann 'gam mhealladh, a ghaoil, a bha thu,
Ma's ann 'gam mhealladh as deigh do gheallaidh,
'Se luaidh do mholaidh ni mi gu brath,
Ma's ann 'gam mhealladh, a ghaoil, a bha thu.

Righ! gur mise tha gu tursach,
Gaol an iarla 'ga mo chiurradh,
Tha na deoir a'sior-ruith o m' shuilean
'S mo chridhe bruite le guin do ghraidh.

Bha mi raoir leat 'na mo bhruadar
Thall an Diura nam beann fuara,
Bha do phogan mar bhiolair uaine -
Ach dh'fhalbh am bruadar is dh'fhan an cradh.

Thig, a ghaoil, agus duin mo shuilean
'S a' chiste-chaoil far nach dean mi dusgadh,
Cuir a sios mi an duslach Diurach,
Oir 's ann 's an uir a ni mise tamh.